



REGULAMENTO ELECTORAL

Elección membros da Asemblea Xeral, Presidente e Comisión Delegada da FEDERACION GALEGA DE GOLF

A Coruña, Outubro de 2014

Artigo 1. Obxecto da normativa

En aplicación do disposto na Lei 3/2012, do 2 de abril, do deporte de Galicia e o contido da Orde do 8 de setembro de 2010, publicada no DOG número 174 do xoves, 9 de setembro de 2010, da Consellería de Presidencia, Administracións Públicas e Xustiza, polo que se establecen os criterios para a elaboración de regulamentos e realización dos procesos electorais nas Federacións Deportivas Galegas, durante o ano 2010, confeccionase a presente normativa que regulará o proceso de elección dos órganos de goberno, Asemblea Xeral, Presidente e Comisión Delegada, con representatividade durante o período 2014 ata o 2018.

Artigo 2. Celebración de eleccións

A Federación Galega de Golf procederá á elección da súa Asemblea Xeral, Presidente e Comisión Delegada no ano 2014. O calendario electoral será o indicado no anexo I. Os sobres e papeletas serán os establecidos no anexo II. Establécese como horario de apertura ao público da sede federativa de luns a venres de 10:00 horas as 13:30 h.

Artigo 3. Regulamento electoral provisional e definitivo

Unha vez aprobado o regulamento electoral por parte da Asemblea Xeral da Federación Galega de Golf será remitido á Secretaría Xeral para o Deporte da Xunta de Galicia, que resolverá, no prazo máximo de 10 días hábiles dende a entrada do documento no seu rexistro, sobre a aprobación do mesmo ou a súa devolución para a corrección de posibles deficiencias.

Transcorridos estes sen que recaia resolución algunha entenderase aprobado o regulamento. No caso de ser necesaria a subsanación de deficiencias, indicaranse as mesmas e se concederán dez días hábiles para proceder a dita corrección.

Solicitarase á Asemblea Xeral da Federación Galega de Golf, no caso que houbera que subsanar algunha deficiencia no mesmo regulamento electoral, que delegue e autorice á Xunta Directiva a facer os cambios necesarios, sen necesidade dun novo sometemento á aprobación da asemblea xeral. Unha vez feitas estas modificacións, o novo regulamento presentarase á Secretaría xeral para o deporte para a súa ratificación definitiva. O regulamento electoral publicarase na páxina web da federación e na Administración deportiva autonómica.





Artigo 4. Censo electoral

1. O censo electoral (ANEXO III) incluíra aos deportistas, técnicos/adestradores, xuíces/árbitros e entidades deportivas inscritas na federación e no Rexistro de Entidades Deportivas de Galicia, que reúnan os requisitos para ser electores e elixibles, de acordo co establecido no artigo 8º do presente regulamento.

Incluíranse os seguintes datos:

Para os/as deportistas, adestradores e xuíces/árbitros: nome, apelidos, número de licenza federativa, número do Documento nacional de identidade ou da tarxeta de residencia e domicilio a efectos de notificación. O domicilio reflectido por defecto para o estamento de deportistas será o do club ao que pertencen, ou no seu caso tamén respecto do estamento de xuíces/árbitros, o que a estes efectos indiquen á Federación. No período de reclamacións ao censo provisional poderase solicitar o cambio de domicilio.


Para as entidades deportivas: nome, denominación ou razón social e número de inscrición no Rexistro de Asociacións deportivas e deportistas de Galicia, así como o nome e apelidos do presidente e secretario. Os datos das entidades deberán ser plenamente coincidentes cos datos contidos no Rexistro de Entidades Deportivas de Galicia, tendo a Federación a obriga de cotexar ditos datos. No caso de discrepancias entre os datos obrantes no rexistro da federación e os obrantes no Rexistro de Entidades Deportivas de Galicia, establecerase un prazo de 10 días para a súa subsanación.

2. O censo electoral provisional publicarase xunto coa convocatoria. A exposición pública do mesmo deberá facerse por un prazo mínimo de 10 días hábiles, dentro do cal se poderán presentar as reclamacións que se estimen oportunas ante a Xunta Electoral, resolvéndose por esta no prazo máximo de 5 días hábiles e considerándose o silencio da Xunta en sentido estimatorio da petición realizada. Dita exposición farase no taboleiro de anuncios da Federación Galega de Golf, así como na páxina web www.fggolf.com.

O censo será considerado definitivo se non se presenta reclamación algunha, ou cando de presentarse, sexa resolta pola xunta electoral ou, se é o caso, polo Comité Galego de Xustiza Deportiva. Deberán aplicarse as mesmas garantías de difusión e publicidade que as previstas no número 2 deste artigo para o censo provisional.

3. Os datos contidos no censo electoral gozarán da protección do previsto na LO 15/1999, do 13 de decembro, de protección de datos de carácter persoal. En todo caso o tratamento e publicación dos datos contidos no censo terá por única finalidade garantir o exercicio polos electores do seu dereito de sufraxio, estando prohibida a súa cesión ou utilización para unha finalidade distinta a aquela.

Co fin de facilitar a participación e a integración na actividade deportiva das federacións deportivas, os candidatos proclamados poderán dispoñer do respectivo censo das persoas que compoñen o seu estamento e, no caso dos candidatos á presidencia, das persoas que conforman a asemblea. O censo só poderá ser utilizado para os efectos do correspondente proceso electoral.





Artigo 5. Xunta electoral.

1. O mesmo día da convocatoria de eleccións, constituirase a Xunta Electoral.
2. A xunta electoral estará integrada por tres membros titulares e tres suplentes, elixidos por sorteo na asemblea xeral, entre as persoas que presenten a súa candidatura a membros da xunta electoral. As candidaturas deberanse presentar na mesma asemblea na que se celebre a súa elección, podendo estar os candidatos presentes na mesma.

Os membros da xunta deberán reunir os requisitos seguintes:

- a) Ser maior de 18 anos.
 - b) Ter o título de bacharelato superior ou equivalente.
 - c) Non presentarse como candidato a membro da asemblea xeral.
 - d) Non ter relación contractual ou profesional coa Federación.
 - e) Non estar cumprindo sanción disciplinaria firme ou sanción administrativa firme en materia deportiva que conleve sanción de inhabilitación para ocupar cargos nunha organización deportiva.
3. No caso de non presentación de candidatos a membros da xunta electoral, o presidente da federación proporalle á asemblea os membros necesarios para completar a mesma, os cales deberán así mesmo reunir os requisitos definidos no apartado anterior.
 4. Actuará como presidente e secretario da xunta electoral o membro de maior e menor idade, respectivamente. As decisións da xunta electoral tomaranse por maioría de votos. A asistencia á xunta electoral é obrigatoria salvo causa xustificada.
 5. Funcións da xunta electoral:

- a) Velar polo axustamento a dereito do proceso electoral dos órganos de goberno e representación federativos.
- b) Organizar os procesos das eleccións para a asemblea xeral e presidente da federación, segundo o disposto neste regulamento electoral.
- c) Designar as mesas electorais de conformidade co previsto neste regulamento electoral.
- d) Aprobar as candidaturas que reúnan os requisitos esixidos, así como o resto da documentación electoral.
- e) Garantir a exposición de censos, candidaturas e outros documentos segundo se estableza neste regulamento electoral.
- f) Coñecer e pronunciarse sobre os recursos que se presenten.
- g) Custodiar a documentación correspondente a todo o proceso electoral, excepto o que non lle corresponda do procedemento do voto por correo, ata a súa finalización.
- h) En xeral, cantas facultades lle sexan atribuídas por este regulamento electoral.

Artigo 6. Mesa electoral: composición e competencias.

En cada circunscrición electoral constituirase unha única mesa electoral para a elección dos membros da asemblea no día fixado. O horario de apertura da mesa será das 10:00 horas as 17:00 horas ininterrompido que será cando se realicen as votacións.





Situaranse nos seguintes lugares:

Na sede da Federación Galega de Golf: rúa Cabo Santiago Gómez, Nº 8 Esc. D-E, Pta. 1, Local 7 15004 A Coruña a mesa electoral para a elección dos representantes na asemblea dos estamentos de circunscrición única (para o estamento de entidades deportivas, outros colectivos, árbitros e técnicos) correspondente á totalidade do territorio y a los efectos de la remisión del voto por correo quedando constituída como mesa electoral única.

Na sede das entidades que de seguido se nomean para a elección dos representantes dos deportistas, que se distribuirán en circunscricións provinciais según o domicilio de candidatos y electores:

- Na provincia de A Coruña: Sede da Federación
- Na provincia de Lugo: Delegación Provincial de Deportes
- Na provincia de Ourense: Delegación Provincial de Deportes
- Na provincia de Pontevedra: Delegación Provincial de Deportes

As mesas electorais estarán compostas por tres membros titulares (un presidente, un secretario e un vogal) e tres suplentes destes, elixidos por sorteo pola xunta electoral entre os integrantes do censo definitivo. Serán presidente e secretario os membros de maior e menor idade respectivamente. A asistencia á mesa electoral é obrigatoria salvo causa xustificada que deberá ser autorizada pola xunta electoral.

Na data de publicación do censo definitivo, 19 de novembro de 2014, se procederá as 18 horas o sorteo dos membros titulares e suplentes das mesas electorais entre os integrantes do censo definitivo de acordo co artigo 6.1 da Orde de 8 de setembro de 2010.

Así mesmo, para a mesa electoral, os candidatos poden nomear interventores, entre quen desempeñe a condición de elector, que serán identificados ante a xunta electoral con antelación non inferior a 24 horas do día de celebración das respectivas votacións. A xunta electoral expedirá a correspondente acreditación.


Os interventores poderán participar nas deliberacións da mesa, con voz pero sen voto, así como solicitar á mesma certificacións e formular ante ela protestas, todo iso sen prexuízo da lexitimación que lles corresponde conforme aos artigos 18 e 19 deste regulamento.

2. Son competencias da mesa electoral:

- Comprobar a identidade dos votantes.
- Recoller a papeleta de voto e depositala na urna pechada e preparada aos efectos.
- Proceder á contaxe de votos.
- Levantar acta dos votos emitidos, resultados, e calesquera outras incidencias. así como das incidencias e reclamacións se as houber, facendo constar o número de votos obtidos por cada candidato.

3. A acta será subscrita por todos os membros da mesa electoral, así como polos interventores, se os houber, remitíndose posteriormente á xunta electoral, que deberá garantir a súa exposición pública mediante a publicación no taboleiro de anuncios e na páxina web www.fggolf.com.

4. Cando proceda a elección de presidente constituirase a mesa electoral con dous





membros que serán respectivamente o de maior e menor idade da asemblea. O primeiro actuará como presidente e o segundo como secretario. Así mesmo, e ata que conclúa a elección de presidente, exercerán funcións de presidente e secretario da asemblea.

5. Os gastos de desprazamentos dos membros das mesas electorais serán sufragados pola Federación. Os gastos de desprazamento dos membros das mesas electorais serán sufragados pola Federación Galega de Golf a razón de 0,19 euros por kilómetro percorrido en vehículo propio, máis os gastos de peaxe de autoestrada e aparcamento sempre que se xustifiquen, ou o importe xustificado do medio de transporte público utilizado.

Artigo 7. Convocatoria de eleccións

1. A convocatoria das eleccións será feita polo Presidente da Federación Galega de Golf o día 31 de Outubro de 2014, conforme a este regulamento electoral e o seu calendario, aprobado pola Secretaría Xeral para o Deporte.

2. Simultaneamente á convocatoria de eleccións, a xunta directiva disolverase, constituíndose en comisión xestora que non poderá realizar mais que actos de mera administración e trámite.

3. A convocatoria de eleccións publicarase no taboleiro de anuncios da sede da federación e nas delegacións, así como na páxina web www.fggolf.com. A notificación da convocatoria de eleccións conterá cantos datos se precisen para o correcto desenvolvemento do proceso electoral, e sinaladamente:

- a) Regulamento electoral.
- b) Calendario electoral con indicación do lugar, data e hora de celebración dos actos propios do proceso electoral.
- c) Lugar de consulta dos censos electorais.
- d) Modelos oficiais de sobres e papeletas.
- e) Composición e sede da xunta electoral da Federación.

4. Cun prazo de antelación mínimo de cinco días hábiles dende a data da convocatoria, esta haberá de ser notificada, a través de medio que permita asegurar a súa recepción, cando menos, ás entidades deportivas integrantes desta federación e á Secretaría Xeral para o Deporte.


Artigo 8. Electores e elixibles

1. Poderán ser electores e elixibles:

a) No caso dos estamentos constituídos por persoas físicas (deportistas, adestradores e árbitros/xuíces) os que reúnan os seguintes requisitos:

- Ser maior de idade á data da convocatoria das eleccións.
- Ter licenza federativa en vigor e tela tido na tempada deportiva anterior á da data de convocatoria de eleccións.
- Ter participado nun mínimo de unha competición oficial na tempada deportiva anterior.

b) No caso do estamento de entidades deportivas: aqueles clubs o seccionos deportivas, que estean inscritos, no ano da convocatoria das eleccións, na federación e no Rexistro





de Entidades Deportivas de Galicia, e teñan participado como mínimo en catro competicións entre o ano de convocatoria das eleccións e os dous anos inmediatamente anteriores a aquel, e necesariamente unha delas no ano da convocatoria das eleccións e demais requisitos establecidos no artigo 16 dos vixentes Estatutos estes efectos. Non será elixibles aquelas entidades deportivas que formen parte da asemblea na súa condición de membros natos.

2. Aos efectos deste artigo entenderase como competición deportiva, aquela que estivera reflectida nos correspondentes calendarios oficiais aprobados pola Asemblea xeral.

3. Os membros da federación que pertencen a dous ou mais estamentos no censo provisional, deberán optar por un deles, mediante escrito ante a xunta electoral que deberá cursarse no período de reclamacións ao censo. Os criterios para identificar os electores nun único estamento, no caso de non existir a proposta individual, serán 1º deportistas, 2º técnicos, 3º árbitros.

Artigo 9. Composición da Asemblea xeral

1. O número de membros da asemblea xeral será de 23 en aplicación do artigo 10, do presente regulamento electoral e o do xa citado artigo 16 dos Estatutos. O Presidente da federación desempeñará a presidencia da asemblea xeral.

2. Os seus membros serán elixidos cada catro anos mediante sufraxio libre, igual, directo e secreto, salvo a singularidade prevista para o estamento de entidades deportivas, por entre os compoñentes de cada estamento de conformidade co número e proporcións de representación que se establecen no presente regulamento.

3. Na asemblea xeral deberán estar representados todos os estamentos recoñecidos nos estatutos e integrados na federación e, cando menos, os clubs deportivos, os deportistas, os adestradores e os árbitros/xuíces.

4. No estamento de entidades deportivas haberá membros natos e membros electos.

5. A representación das entidades deportivas corresponde ao seu presidente ou persoa que conforme estatutos lle corresponda. Esta representación acreditarase fidedignamente mediante certificación da inscrición do Rexistro de Entidades Deportivas de Galicia na que figure expresamente os representantes legais da entidade.

6. Non cabe representación das persoas físicas.

7. Ningún membro da asemblea poderá desempeñar unha dobre representación nesta.

8. A Federación galega de Golf axustarase, no posible, nas súas actuacións ás recomendacións feitas pola Lei 7/2004, do 16 de xullo, galega para a igualdade de mulleres e homes (DOG nº 149, do 3 de agosto).

Artigo 10. Proporcionalidade na composición da Asemblea xeral

1. A porcentaxe de cada estamento é:

- a) Representantes de entidades deportivas: 65 %
- b) Representantes de deportistas: 20 %





- c) Representantes de adestradores: 5 %
- d) Representantes de xuíces: 5 %
- e) Outros colectivos se os houber: 5 %

2. A representación mínima do estamento das entidades deportivas na asemblea xeral da Federación Galega de Golf deberá ser do 50% do seu censo definitivo, incluíndo os membros natos. En calquera caso todos as entidades deberán necesariamente cumprir os requisitos que para eles se establece no artigo 8 desta regulamentación.

3. As porcentaxes xerais atribuídas a cada estamento serán distribuídas de acordo có establecido no artigo 16 dos vixentes Estatutos mantendo en todo caso criterio de representatividade territorial, da seguinte maneira:

	A Coruña	Lugo	Ourense	Pontevedra	TOTAL
Entidades					15
Deportistas	2	1	1	1	5
Adestradores					1
Árbitros					1
Outros C.					1

4. Cando o número de candidatos de calquera estamento coincida ou sexa inferior ao número de membros que hai que elixir non será necesaria a celebración de eleccións polo que a ese estamento se refire, dando continuidade ao procedemento electoral.

No entanto, no caso de que nalgún estamento da asemblea houbera máis dun 20% de vacantes, unha vez terminado o proceso electoral e no prazo máximo de 3 meses, o presidente procederá á convocatoria parcial de eleccións para cubrir as vacantes, sen que esta nova convocatoria parcial afecte aos xa elixidos.

Artigo 11. Membros natos da Asemblea Xeral polo estamento de entidades deportivas

Conforme o establecido na Orde do 8 de setembro de 2010, serán membros natos da asemblea xeral unicamente para o estamento de entidades deportivas, e polo tanto sen necesidade de someterse a votación: aqueles dous que contan cun maior número de licenzas: Real Club de Golf de La Coruña y Club de Golf Chan do Fento.

A designación de membros natos por actividades realizadas se realizará entre las dos que maior numero de competicións organice ao longo do ano tomando como referencia os seus calendarios oficiais: Real Club de Golf de La Coruña y Hércules Club de Golf. La representación del R.C.G.C. por actividades realizadas será cuberto por os clubs candidatos a Asemblea segundo procedemento ordinario.

Estes datos referiranse ao ano inmediatamente anterior ao da convocatoria de eleccións.

As entidades deportivas deberán estar incluídos no censo electoral definitivo. Aqueles que desexen renunciar á súa condición de membro nado deberán facelo, ante a xunta electoral, no prazo de reclamación ao censo provisional establecido neste regulamentación.

A xunta electoral publicará tal incidencia no taboleiro de anuncios da federación, así como na súa páxina web.

Para os efectos de publicidade e posibles recursos observárase o disposto neste regulamento electoral respecto ao censo electoral.

Artigo 12. Candidatos a membros electos da Asemblea xeral

1. Poderá ser candidato a membro da asemblea xeral toda persoa física ou xurídica incluída no censo definitivo que o solicite persoalmente, por correo certificado ou por calquera outro medio que acredite fehacemente en dereito a dita solicitude, ante a xunta electoral. Para a solicitude establécese un prazo de 3 días hábiles a contar dende a publicación do censo definitivo.

2. Unha vez presentadas as candidaturas, a xunta electoral proclamará a lista provisional de candidatos facéndoa pública na páxina web www.fggolf.com. Haberá un prazo de 2 días hábiles para a presentación de posibles reclamacións ante a Xunta electoral que deberá resolver en 2 días hábiles.

3. Unha vez resoltas as posibles reclamacións si as houbera, procederáse á proclamación definitiva de candidatos.

Artigo 13. Sistema de votación a membros da Asemblea xeral

1. A votación a membros da asemblea realizarase en urnas separadas por estamentos. A votación desenvolverase sen interrupcións durante o horario de 10:00 horas as 17:00 Soamente por causa de forza maior poderán non iniciarse ou interromperse as votacións. En caso de suspensión da votación non se terán en conta os votos emitidos nin se procederá ao seu escrutinio. Neste caso, a xunta electoral fixará unha data para a nova votación.

2. O dereito de votar será acreditado pola inscrición no censo electoral definitivo. Para a súa identificación, o elector deberá presentar documento acreditativo da súa personalidade (DNI, pasaporte, tarxeta de residencia ou permiso de conducir con fotografía do titular). No caso das persoas xurídicas a representación corresponde ao seu presidente ou persoa que conforme estatutos lle corresponda, debéndose acreditar fehacemente a dita representación mediante certificación da inscrición do Rexistro de Entidades Deportivas de Galicia, na que figure expresamente os representantes legais da entidade.

Se un membro electo da Asemblea perdera a condición pola que foi elixido, causará baixa automaticamente naquela, procedéndose á súa substitución da seguinte forma:

- En primeiro lugar, o substituto será o candidato que, polo mesmo estamento e circunscrición do que cause baixa, obtivese maior número de votos de entre os que non obtiveron praza na Asemblea Xeral. Se son varios co mesmo número de votos, e de non haber acordo entre eles, procederáse por sorteo.

- Se polo sistema anterior non fose posible designar substituto, este serao por elección entre tódolos compoñentes do estamento e circunscrición de que se trate. Nestes casos poderase dilatar tal elección parcial un prazo máximo de seis meses dende que ocorrese a vacante, a efectos de poder comprender naquela



outras substitucións por novas baixas que se producisen con posterioridade.

- Cando se produza calquera baixa ou vacante, deberase dar conta da mesma, polos interesados ou polos propios órganos federativos, á Xunta Electoral, a cal actuará segundo proceda, conforme se indica no presente artigo con plenas facultades para decidir ó respecto, así como, no seu caso, para organiza-las posibles eleccións parciais, para proclamarlos resultados e substitutos elixidos.

No suposto de que nalgún estamento da assemblea houbera máis dun 20% de vacantes, unha vez finalizado o proceso electoral e no prazo máximo de tres meses, o presidente procederá a convocatoria de eleccións parciais para cubrir as vacantes, sen que esta nova convocatoria parcial afecte aos xa elixidos.

Artigo 14. Voto por correo

1. Unicamente se admitirá o voto por correo nas votacións para membros da Asemblea naqueles estamentos integrados por persoas físicas.
2. O exercicio do voto por correo haberá de ser solicitado polo interesado á xunta electoral, dende a data da convocatoria das eleccións ata 2 días hábiles despois da publicación do censo definitivo. Esta solicitude deberá facerse persoalmente, mediante correo certificado, burofax, ou por calquera outro medio validamente admitido en dereito que deixe constancia da solicitude.
3. Recibida pola xunta electoral a solicitude referida no punto anterior, comprobará a inscrición no censo definitivo do solicitante, realizando no caso de estar inscrito a anotación correspondente no censo e estendendo un certificado de autorización do voto por correo.

O certificado ao que se refire o parágrafo anterior deberá reflectir o nome do elector, o estamento polo que se solicita o exercicio do voto, así como un espazo en branco que deberá ser asinado polo elector previamente ao envío do voto á Secretaría xeral para o deporte.

A xunta electoral deberá remitir este certificado dentro dos 2 días hábiles seguintes á proclamación definitiva dos candidatos, remitíndollo aos solicitantes por correo certificado urgente e con acuse de recibo á dirección postal sinalada polo interesado na súa solicitude. Igualmente enviaráselle unha papeleta de votación en branco e o sobre de votación oficiais, xunto coa relación definitiva de todas as candidaturas presentadas ordenadas alfabeticamente.

O listado de persoas autorizadas para o exercicio do voto por correo deberase remitir á Secretaría xeral para o deporte, publicándose asemade na páxina web www.fggolf.com.

4. O elector introducirá a papeleta de voto no sobre da votación e pecharao. Incluirá este sobre de votación, xunto ao certificado emitido pola xunta electoral no que se autoriza o voto por correo, asinado polo emisor do voto e a copia do DNI, nun sobre de maior tamaño que os anteriores que remitirá á Secretaría xeral para o deporte para a súa custodia, por correo certificado urgente, consignándose no anverso e reverso do mesmo os seguintes datos:





Anverso:

Secretaría xeral para o deporte
Estadio Multiusos de San Lázaro, porta 4
15781 Santiago de Compostela (A Coruña)
Eleccións á Asemblea Xeral da Federación Galega de Golf

Reverso:

Nome e apelidos do remitente
Estamento de
Modalidade ou especialidade de
Mesa Electoral de





5. A presentación dos votos nas Oficinas de Correos deberá realizarse con 6 días hábiles de antelación á data de celebración das eleccións, mediante envío por correo certificado urgente, e non serán admitidos os sobres depositados con data posterior. A Secretaría Xeral para o Deporte custodiará os votos emitidos, que serán postos a disposición da mesa electoral o día da votación, xunto cunha relación nominal dos mesmos, a fin de que, con posterioridade ao peche da votación presencial os membros da Mesa electoral poidan abrilos e, tras comprobar a súa regularidade, depositar cada voto na urna correspondente para incorporalo ao escrutinio.

6. Prevalecerá o voto persoal sobre o voto emitido por correo no caso de concorrencia de ambos.

Artigo 15. Presentación de candidaturas a presidente

1. No prazo de 2 días dende a proclamación definitiva de membros da Asemblea xeral, poderá presentar candidatura a presidente da federación calquera persoa física membro ou non da asemblea xeral, que teña a condición política de galego os efectos establecidos polo artigo 3.1. da Lei 1/1981 de 6 abril reguladora del Estatuto de Autonomía de Galicia, maior de idade, en pleno uso dos seus dereitos civís, que non incorrese en ningunha sanción deportiva que o inhabilite e que non estea inhabilitado para o desempeño dun cargo público por sentenza xudicial firme. A persoa que resulte elixida como presidente terá que cesar en todo tipo de actividades técnicas e directivas no deporte específico e no ámbito territorial da federación galega correspondente.

Se algún membro da comisión xestora presentase a súa candidatura á presidencia, deberá cesar naquela.

O presidente saínte da federación será membro da nova asemblea xeral. Esta condición perderase nos casos de non presentar candidatura á presidencia ou, de téndoa presentado, non resultara elixido.

2. A presentación de candidaturas farase na sede oficial da federación, mediante escrito dirixido á xunta electoral.

3. Finalizado o prazo de presentación de candidaturas, a xunta electoral exporá a listaxe provisional de candidatos a presidente no taboleiro de anuncios da federación así como na súa páxina web www.fggolf.com. Pódense presentar impugnacións a esta no prazo de 2 días hábiles. As impugnacións serán resoltas pola xunta electoral no prazo de dous días.

A xunta electoral publicará no día seguinte hábil, seguindo os medios reflectidos no punto anterior, a lista definitiva de candidatos á presidencia.


Artigo 16. Elección do presidente

1. No día e hora fixados na convocatoria correspondente, constituirase a Asemblea xeral en primeira ou segunda convocatoria tendo como únicos puntos da orde do día a elección a Presidente e a membros da Comisión delegada. O presidente da federación será elixido mediante sufraxio libre, directo, igual e secreto polos membros da asemblea xeral presentes no momento da elección.





2. Na votación á elección de presidente non se admitirá o voto por correo nin a delegación de voto. A representación dos clubs realizarase conforme o establecido no artigo 9 parágrafo quinto, non admitíndose que unha persoa ostente a representación de mais dun club.
3. Comezada a sesión e constituída a mesa electoral, o presidente presentará os candidatos. iniciando, de seguido, o proceso de votación.
4. A Xunta Electoral determinará o modelo de papeleta. Cada membro da Asemblea só poderá votar a un candidato.
5. O proceso de votación está formado por un máximo de tres votacións.
 - a. Na primeira votación son elixibles todos os candidatos da listaxe definitiva. Aqueles que obteñan un mínimo do 10% dos votos dos membros presentes, pasarán á seguinte votación. No suposto en que ningún candidato acade o 10% dos votos, pasarán á seguinte votación aqueles dous candidatos que contan cun maior número de votos. No suposto en que soamente sexa un candidato o que obteña o 10% dos votos, pasará tamén á seguinte votación o seguinte candidato en número de votos. De acadarse por algún candidato a maioría absoluta dos votos, nesa primeira votación, será proclamado Presidente.
 - b. Na segunda votación soamente serán elixibles aqueles que, como xa está exposto e coas excepcións contempladas, obtiveran alomenos o 10% dos votos dos membros presentes. Será elixido presidente o candidato que nesta fase obteña a maioría absoluta dos votos.
 - c. No caso de que na votación anterior ningún candidato obteña a maioría absoluta, procederase a unha nova votación no mesmo día entre os dous máis votados, resultando elixido o que obteña maioría de votos.
7. Terminada cada unha das votacións realizadas, a mesa electoral procederá á contaxe de votos e levantará a oportuna acta.
8. No caso de existir soamente dous candidatos, resultará elixido o que obteña a maioría simple dos votos. No caso de empate procederase de seguido a unha segunda votación. Se persistise o empate procederase a unha terceira votación media hora máis tarde, e no caso de non resolverse, procederase a un sorteo para resolve-lo empate.
9. No caso de que se presentase un só candidato, non se efectuará votación.
10. Se non se presentase ningunha candidatura ou non fose válida ningunha das presentadas, a comisión xestora administrará a federación e convocará e realizará novas eleccións a presidente no prazo máximo de 3 meses.
11. Rematada a elección, a acta do resultado desta será remitida á xunta electoral. Transcorridos os prazos de presentación de posibles recursos e resoltos estes, a xunta electoral proclamará presidente ao candidato máis votado e comunicará os resultados á Secretaría Xeral para o Deporte no prazo máximo de 10 días.
12. Unha vez proclamado definitivamente o novo presidente, a comisión xestora deberá poñer a disposición deste no prazo máximo de 5 días hábiles, contados dende a proclamación definitiva, toda a documentación relativa á federación, levantando acta da





documentación entregada e remitíndolle copia desta á Secretaría Xeral para o Deporte.

13. Tras a súa proclamación o presidente designará os demais órganos e comités de acordo cos estatutos da federación, debendo comunicarlle a súa composición á Secretaría xeral para o deporte no prazo máximo de 10 días hábiles, dende o seu nomeamento.

Artigo 17. Elección de membros da comisión delegada

A comisión delegada será elixida entre e pola asemblea xeral mediante sufraxio libre, igual, directo e secreto entre os seus membros. O seu mandado coincidirá co da asemblea xeral. Será presidida polo presidente da federación como membro nato desta.

O número de membros da comisión delegada será de 6 máis o Presidente de acordo co seguinte sistema de elección:

1.A comisión delegada será elixida entre e pola asemblea xeral mediante sufraxio libre, igual, directo e secreto entre os seus membros. O seu mandado coincidirá co da asemblea xeral. Será presidida polo presidente da federación como membro nato desta.

A Comisión Delegada estará composta por 6 membros de acordo co seguinte detalle:

· 3 membros correspondentes ao estamento de entidades deportivas, elixida esta representación por entre as mesmas, sen que os correspondentes a unha mesma provincia poidan ter máis de dous representantes. A representación da entidades na comisión delegada estará exercida necesariamente polo seu presidente, quen só poderá delegar, expresamente e por escrito para cada reunión nun mesmo membro.

· 3 membros correspondentes ó resto dos estamentos, distribuído na seguinte forma: 1 membro representantes de Deportistas, 1 membro representante dos Técnicos-adestradores e 1 membro representante dos Xuíces-árbitros. Todos eles elixidos por e entre os dos seus respectivos estamentos na Asemblea Xeral. Os así elixidos manterán os seus cargos na Comisión Delegada en tanto sigan sendo membros da Asemblea Xeral dentro do período do seu mandato. Non poderán delega-la súa representación.

A representación máxima por provincia será de 3 membros, excluídos os estamentos de Técnicos- Adestadores e Xuíces-Árbitros.

No caso de que, unha vez elixida a Comisión Delegada, se produzan baixas ou vacantes entre os seus membros, estas substituiranse anualmente, por elección entre os grupos correspondentes.

2. As candidaturas a membros da Comisión Delegada deberán presentarse no prazo de 2 días hábiles dende a proclamación definitiva de membros da Asemblea xeral. Finalizado este prazo a Xunta Electoral exporá a listaxe provisional de candidatos á membro da Comisión Delegada no taboleiro de anuncios da federación así como na súa páxina web www.fggolf.com. Pódense presentar impugnacións a esta no prazo de 2 días hábiles. As impugnacións serán resoltas pola xunta electoral no primeiro día hábil seguinte.

A xunta electoral, se é o caso, publicará no día seguinte hábil a lista definitiva de candidatos a membros da Comisión Delegada da Federación.





Cada un dos membros dos catro estamentos representados na Comisión Delegada poderá votar por calquera dos membros do seu propio estamento que fosen proclamados definitivamente como candidatos, ata un número máximo equivalente ao de postos que correspondan a este na Comisión Delegada, podendo habilita-la Xunta Electoral o correspondente sistema de papeletas normalizadas.

Os electores serán chamados nomeativamente pola súa orde para exercer-lo dereito de voto.

En todo o demais será de aplicación o disposto para a elección dos membros da Asemblea Xeral.

3. Concluída a votación, escrutinio e proclamación provisional de resultados respecto o cargo de Presidente da Federación Galega de Golf, a mesa electoral chamará a votar para a elección dos membros da Comisión Delegada.

Serán chamados os electores a deposita-lo seu voto, por estamentos, en alta voz e polo seu nome ou o do club que representen.

Unha vez finalizada a votación dos catro estamentos, declararase esta pechada, abranse as urnas, e a mesa electoral procederá o recuento, proclamando en forma inmediata e provisional os resultados, e efectuando a atribución de postos entre os máis votados. Se houberse empate entre diversos candidatos e non lle correspondese praza na Comisión Delegada a algún deles, e salvo que os interesados decidan entre si, determinarase quen ocupará os postos correspondentes mediante sorteo realizado pola propia mesa electoral.

De todo iso, levantarase a correspondente acta, que será asinada por todos os membros da mesa electoral e será remitida a Xunta Electoral, no mesmo día da votación.

Os resultados poderán ser impugnados no prazo de 2 días hábiles e, no seu caso a Xunta Electoral deberá resolver dentro do segundo día hábil seguinte. Transcorridos os prazos de presentación de posibles recursos e resoltos estes, a xunta electoral proclamará os resultados definitivos, atribuíndo os postos da Comisión Delegada segundo resulte daqueles, e comunicará os resultados á Secretaría xeral para o deporte no prazo máximo de 10 días.

Artigo 18. Recurso ante a Xunta electoral

O coñecemento de tódolos recursos que se poidan formular na materia electoral corresponde á xunta electoral, sendo tódalas súas resolucións recorribles ante o Comité Galego de Xustiza Deportiva. Están lexitimados para interpoñer recursos os representantes das candidaturas e aqueles que fosen parte na impugnación ante a xunta electoral.

Os recursos ante a Xunta electoral serán presentados, persoalmente ou por calquera medio que acredite fehacemente en dereito a presentación do escrito (burofax, correo certificado, telegrama...), na sede central federativa mediante escrito dirixido ao presidente da Xunta electoral.

Os prazos para a presentación destes recursos, así como os de resolución da Xunta electoral serán de 2 días hábiles, salvo nos casos nos que no presente regulamento ou





na Orde do 8 de setembro de 2010 se establezan outros distintos.

Artigo 19. Recurso ante o Comité Galego de Xustiza Deportiva

1. Contra os acordos e resolucións das xuntas electorais procederá recurso electoral ante o Comité Galego de Xustiza Deportiva, poñendo fin, as resolucións deste, á vía administrativa.

Están lexitimados para interpoñer este recurso, segundo establece o artigo 56 do DECRETO 120/2013, de 24 de xullo, polo que aprobouse o Regulamento do Comité Galego de Xustiza Deportiva, quen fose parte na impugnación ante a xunta electoral federativa ou as persoas interesadas directamente polo acordo ou resolución dictada.

2. Os prazos para formalizaren estes recursos serán de 3 días hábiles dende o seguinte ao da notificación do acordo expreso da correspondente xunta electoral ou do seguinte a aquel en que rematou o prazo de resolución de reclamacións segundo o calendario electoral.

3. O escrito de interposición do recurso deberá expresar:

- a) Nome, DNI e domicilio da persoa física ou denominación e enderezo social dos entes asociativos interesados, incluíndo neste último caso o nome do seu representante legal.
- b) Se é o caso, o nome, DNI e enderezo do representante do interesado, podendo acreditar a súa representación, ademais de polos medios legais procedentes, a través de comparecencia ante a Secretaría do Comité Galego de Xustiza Deportiva.
- c) Lexitimación para interpoñer o recurso
- d) O acto que se recorre e a razón da súa impugnación.
- e) As consideracións de feito e de dereito nas que baseen as súas pretensións, así como as propostas de proba que ofrezan en relación con aquelas.
- f) As pretensións que deduzan de tales consideracións.
- g) Lugar, data e sinatura.





Anexo I. Calendario electoral

CALENDARIO ELECTORAL DE LAS ELECCIONES A MIEMBROS DE LA ASAMBLEA, COMISIÓN DELEGADA Y PRESIDENTE DE LA F.G.G.

Martes, 16 de septiembre

CONVOCATORIA DE LA ASAMBLEA GENERAL EXTRAORDINARIA

Lunes, 6 de octubre

ASAMBLEA GENERAL EXTRAORDINARIA

Presentación Reglamento Electoral y, en su caso, aprobación
Acuerdo de delegación para modificaciones al Reglamento según trámite ante
S.X.D.
Elección Junta Electoral

Martes, 7 de octubre

Presentación del reglamento electoral ante Secretaría Xeral para o Deporte

Sábado, 18 de octubre

Fin plazo para aprobación, en su caso, del reglamento por Secretaría Xeral
Deportes

Viernes, 24 de octubre

Envío de la convocatoria a las entidades deportivas y S.X.D

Martes, 30 de octubre


En su caso fin plazo modificaciones al Reglamento Electoral según indicaciones
S.X.D.

Miércoles, 31 de octubre

CONVOCATORIA DE ELECCIONES POR EL PRESIDENTE

CONTENIDO:

Reglamento y Calendario electoral con indicación del lugar, fecha y hora de
celebración de los actos propios del proceso electoral
Publicación de los censos electorales y designación de lugar de consulta
Composición y sede de la Junta Electoral de la Federación



Inicio del plazo para solicitar voto por correo

Jueves, 13 de noviembre

Fin del plazo de reclamaciones al censo electoral provisional ante la Junta Electoral de la Federación

Miércoles, 19 de noviembre

Fin plazo para resolver reclamaciones al censo electoral
Publicación del censo definitivo
Sorteo miembros mesas electorales

Jueves, 20 de noviembre

Inicio plazo de presentación de candidaturas a miembros de la Asamblea por los diferentes estamentos

Viernes, 21 de noviembre

Fin plazo solicitud voto por correo

Lunes, 24 de noviembre

Fin del plazo de presentación de candidaturas a miembros de la Asamblea por los diferentes estamentos
Proclamación provisional y publicación de las candidaturas presentadas

Martes, 25 de noviembre

Apertura del plazo de reclamaciones ante la Junta Electoral por plazo de 2 días hábiles (25 y 26 de noviembre)

Jueves 27 de noviembre y Viernes 28 de noviembre

Plazo para resolver reclamaciones por la proclamación de los candidatos a miembros de la Asamblea por la Junta Electoral.

Proclamación definitiva de candidaturas a la Asamblea General

Lunes, 1 de diciembre

Fin plazo remisión certificado para voto por correo – artículo 14.3 del Reglamento a los votantes autorizados.

Viernes, 5 de diciembre





Fin plazo presentación voto por correo

Sábado, 13 de diciembre

Constitución de mesa electoral.

Votaciones para elección de miembros Asamblea General

Publicación de candidatos electos de la Asamblea por sus respectivos estamentos

Lunes, 15 de diciembre

Inicio del plazo (2 días hábiles) hasta martes día 16 para reclamaciones ante la Junta Electoral sobre la proclamación de candidatos electos

17 y 18 de diciembre

Plazo para resolución de reclamaciones presentadas ante la Junta Electoral contra la proclamación de candidatos electos.

Jueves, 18 de diciembre

Proclamación definitiva de miembros de la Asamblea por sus respectivos estamentos y publicación.

Viernes, 19 de diciembre

Apertura del plazo -2 días hábiles- de presentación de candidaturas a Presidente de la Federación y miembros de la Comisión Delegada.

Sábado, 20 de diciembre

Fin del plazo de presentación de candidaturas a Presidente y miembros de la Comisión Delegada.

Proclamación provisional de las candidaturas presentadas.

Lunes, 22 de diciembre

Apertura plazo -2 días hábiles- para reclamaciones ante la Junta Electoral de las candidaturas proclamadas.

Hasta el día 23 de diciembre.

Miércoles, 24 de diciembre

Inicio plazo para resolución impugnaciones a la proclamación provisional de candidaturas.





Hasta viernes 26 de diciembre.

Sábado, 27 de diciembre

Publicación de candidaturas a Presidente y miembros de la Comisión Delegada.

Viernes, 2 de enero de 2015

**Asamblea Extraordinaria constituyente de la FGG
Votaciones para la elección de Presidente y miembros de la Comisión Delegada
Proclamación provisional del Presidente y de los miembros de la Comisión Delegada.**

Sábado, 3 de enero de 2015

Inicio del plazo de reclamaciones, hasta el día 5 de enero, ante la Junta Electoral de la FGG por la proclamación de Presidente y miembros de la Comisión Delegada.

Lunes, 5 de enero de 2015


Fin plazo de reclamaciones ante la Junta Electoral de la FGG por la proclamación de Presidente y miembros de la Comisión Delegada.

7 y 8 de enero de 2015

Plazo para resolución por la Junta Electoral de las reclamaciones contra la proclamación de Presidente y miembros de la Comisión Delegada.

Jueves, 8 de enero de 2015

Proclamación definitiva del Presidente electo y miembros de la Comisión Delegada de la FGGolf
Disolución Junta Electoral
Fin proceso electoral.





Anexo II. Modelos de sobres e papeletas

MODELO DE SOBRE PARA O VOTO POR CORREO

Sobre A


SECRETARÍA XERAL PARA O DEPORTE
ESTADIO MULTIUSOS DE SAN LAZARO, PORTA 4
15781 SANTIAGO DE COMPOSTELA
ELECCIÓN Á ASEMBLEA XERAL DA FEDERACIÓN GALEGA DE GOLF

No remite deben figurar os datos do votante: nome e apelidos completos

No interior irá o certificado da Xunta Electoral conforme pode votar, fotocopia do DNI de persoa que exerce o voto e o sobre B contendo a papeleta de voto.

Sobre B

VOTO PARA OS CANDIDATOS Á ASAMBLEA XERAL
FEDERACIÓN GALEGA DE GOLF
ESTAMENTO DE _____



Pór o nome do estamento de persoas físicas polo que se vota.
Neste sobre B débese introducir a papeleta de voto.





PAPELETA DE VOTACIÓN CANDIDATOS AO ESTAMENTO DE ENTIDADES DEPORTIVAS

Nome completo das entidades deportivas candidatas a membros da asemblea por este estamento.


Á marxe establecerase unha cuadrícula para facilitar a opción de voto.

Cada votante deberá sinalar un máximo de entidades segundo o número de membros do estamento.

Exemplo:

- Nome completo da entidade candidata
- Nome completo da entidade candidata
- Nome completo da entidade candidata
- Nome completo da entidade candidata
- Nome completo da entidade candidata
- Nome completo da entidade candidata
- Nome completo da entidade candidata
- Nome completo da entidade candidata
- Nome completo da entidade candidata
- Nome completo da entidade candidata
- Nome completo da entidade candidata
- Nome completo da entidade candidata
- Nome completo da entidade candidata
- Nome completo da entidade candidata







PAPELETA DE VOTACIÓN CANDIDATOS AO ESTAMENTO DE DEPORTISTAS

Nome completo dos/as deportistas candidatos/as a membros da asemblea por este estamento.

Á marxe establecerase unha cuadrícula para facilitar a opción de voto.

Cada votante deberá sinalar un máximo de entidades segundo o número de membros do estamento.

Exemplo:

Nome completo do/a deportista

- Nome completo do/a deportista
- Nome completo do/a deportista
- Nome completo do/a deportista
- Nome completo do/a deportista
- Nome completo do/a deportista





PAPELETA DE VOTACIÓN

CANDIDATOS AO ESTAMENTO DE XUÍCES ÁRBITROS


Nome completo dos/as Xuíces árbitros candidatos/as a membros da asemblea por este estamento.

Á marxe establecerase unha cuadrícula para facilitar a opción de voto.

Cada votante deberá sinalar un máximo de entidades segundo o número de membros do estamento.

Exemplo:

- Nome completo do/a xuíz arbitro






PAPELETA DE VOTACIÓN

CANDIDATOS AO ESTAMENTO DE ADESTRADORES

Exemplo:

Nome completo do/a adestrador/a





PAPELETA DE VOTACIÓN

CANDIDATOS AO ESTAMENTO DE ADESTRADORES

Exemplo:

Nome completo do colectivo

